





地藏菩薩感應傳卷下

指柏沙門道熙晦巖述

上生觀史

山州宇治橋寺有沙彌性魯鈍其師教念地藏菩薩  
輒稱名不輟又自願速生淨刹一夜夢僧引至兜率  
琉璃爲地光明赫奕沙彌甚喜僧曰後六年汝當生  
此因是居朝日山六閱星霜一日聞音樂鳴空卽泊  
然而逝

贊曰念地藏菩薩臨終之時或生淨土或生觀史傳  
中屢屢見之益菩薩不違衆生願也讀者宜識之



御崎應現

釋睿好與橫川勝行游歷勝地嘗到肥前肥御崎此地山清水秀有奇石異木傳言觀音地藏應現之區也二人駐錫久之一夕見一端正童女與之晤言其音聲清麗悅可人意良久不知所在凌晨又見一沙門亦不知自何而至二人異之乃絕鹽穀精修七日次早汎一小舟至煙波深處聞有管絃之聲細聽之皆偈讚也信知此地實菩薩應現云

瞻視病僧

釋真觀居鎌倉為僧都密教明匠也年八十患風疾

恨未及傳授祕法有小師年方十九未經灌頂僧都因告諸弟子曰為我供炎魔王乞延世壽諸徒以其病諫止僧都不可十月初建百日道場供地藏菩薩誦光明真言果無恙正月十四日灌頂事畢次日又病乃付囑後事忽見一僧美風貌親為瞻視至兩三日諸徒皆不能見或曰想是地藏菩薩也僧都時見提錫感泣銘佩至二十四日端坐結印集眾念彌陀大咒唱地藏菩薩而終

鬼不敢近

釋圓照淡州人有母在堂勸以念佛誦經不信垂老



病歿照思母無少善必難免苦乃閉戶誦經念彌陀并地藏菩薩又按經文刻地藏像於杖頭以屨一雙置墓畔方旬浹間其母有故舊老嫗在越州來謂照曰妾夢雨夜過州之立山解后師母脚踏鐵屐手執杖子妾怪而問之師母曰我在生無寸善且性極慳吝今被鬼卒驅上刀山劍樹幸蒙吾子圓照之力無傷也又杖頭尊像放光鬼不敢近夏乞為我誦法華刻尊像供養則永出苦輪矣照聞之如法修造一夜夢母面有喜色放光來告曰蒙汝福善得生兜率言訖而寤

贊曰凡為人子三事無違四體不毀此世俗之孝孝之小也若親不善能導之以正信至死能拔其神靈如圓照者乃可謂出世之大孝也歟

居山獲益

釋仁鏡南都人聞愛宕山地藏龍樹攝化之地不下唐之五臺峨嵋乃居其山轉法華經無數又六時禮懺感神人侍奉獅象來馴春秋一百二十又七

轉貧為富

釋藏算寓愛宕山衣食不給困甚常念地藏菩薩不怠年六十寢疾一夜夢桑門曰汝夙業深故受此貧



乏欲免此苦須上伯州大山必得利益算入山勤修  
病即消除後歸梓里道價無雙福樂終世

印空功德

攝州有馬山僧慈真日誦法華為業難波有平氏女  
至其室求滅罪法真啟香合將地藏菩薩小印授之  
令每日印香水平氏輒從之每日印一千六徧其家  
有使女亦就真求法真亦授印二寸許教以每日印  
空女如所教初不廢時逢瘟疫死者載道平氏亦得  
病病中失金二十斤以使女無恙疑其盜太繫之於  
柱女自傷無罪輒垂淚稱聖號見傍有菩薩小像出

載  
詩大雅  
頌  
載  
路

現不知其數或有形相不全者皆誦法華彩畫作佛  
像皆已成佛道之句平氏乃放之問其故女答以前  
事平氏輒稱嘆不已

贊曰此二女以像印空印水雖然無跡印印著菩  
薩面門宜乎感應如此昔有書生以手指於空中寫  
金剛經爾後寫經處雨不能溼每值雨牧童輒集其  
下今以二女較之無少異也

菩薩攜手

僧都源信有女弟為尼名安養因病氣絕時修學院  
勝算為誦火界真言僧都唱地藏菩薩號以救之時



尼見不動明王推之於火燄前俄見地藏菩薩攜其  
手遂蘇

平氏回生

尼如藏平將門之女也有姿色諸家爭聘不許及父  
喪遁入奧州慧日寺之側縛菴以居一日抱病氣絕  
至琰王宮見庭中繫無數罪人時有小比丘振錫而  
至冥吏避席稱地藏菩薩女聞名趨啟曰願大士救  
我菩薩即將女詣王前曰此女篤信之人又不染欲  
當令早歸王喜諾菩薩送女出門示之曰人身難得  
佛教難遭當一心精修不惜身命可也女忽蘇從此

出家號如藏專心持菩薩名世稱地藏尼至年八十  
餘端坐而化

刻像未全

洛城東山雲林寺側有老尼素念地藏未曾少廢嘗  
請定朝造像高一尺許可用錢三貫因以半授之越  
二三載像未就一日尼遘疾暴歿胸尚煖忽唱地藏  
菩薩而蘇悲咽感嘆曰我適如入古井有小兒僅一  
尺許手足尚未全周章而來擡我以力弱不能出我  
問之兒曰吾是汝所造未就之地藏也以汝罪障甚  
深故重不可擡汝當高聲唱我名號毋令斷絕可乃



扶耳我如命唱之身輕而上於是又請定朝捨衣奉  
贊倍於前像既成供之甚謹  
贊曰一念歸敬尚可滅罪況造像乎

感帝禮像

丞相藤之春天長八年二月喪母庭前有柑樹其母  
常愛之卽以此樹造地藏菩薩像一夕夢母得生天  
曾未語人有故舊夫人亦夢其母謂之曰我素無善  
因子之力蒙菩薩代我入無間獄火燄化作蓮花所  
有罪人皆生出蓮胎我亦同地藏菩薩上白雲臺生  
於兜率矣時淳和皇帝聞其事密念菩薩號忽見尊

像現殿前召丞相問其故帝爲下淚瞻禮后丞相謁  
弘法大師言造像事大師曰以公忠孝故得此靈感  
此菩薩因地時號光日女爲母發弘誓願入菩薩位  
今公薦母造像厥德無盡也

一念歸依

將軍滿仲源公有家臣紀義冬好殺一日躍馬逐鹿  
入寺見堂中地藏菩薩像肅然生信一念歸依尋下  
馬左手持弓矢右手捨筮致敬而太一日暴亾至眞  
府見王者集諸罪人種種呵責時義冬身被桎械甚  
恐俄有僧爲之請宥王許諾僧卽爲冬解其桎械冬



悲喜問曰師何人耶僧曰吾是汝田獵時一念敬禮者從今已往當斷殺戮罪不可忽也冬自此竭誠供養焉

贊曰菩薩威力不可思議能使殺業者一念敬信便免得地獄之苦真所謂或有人禮拜或復但合掌乃至舉一手或復少低頭漸見無量佛自成無上道者也

六所建宇

相國清盛平公自念寰宇兵爭將卒民庶多歿於非命精爽無依非佛菩薩不足以度之卽就於入京道

路六處建宇設地藏菩薩像高六尺許以福天下贊曰此六地藏像設所在至今道俗巡禮者不絕而天下安寧非菩薩靈祐曷能臻此邪

受教退水

洛東祇園仲源寺有地藏菩薩像相傳名匠定朝所造安貞二年八月洪水入京漂蕩人家帝聞江州判官爲兼能保勢多橋無水患詔之治水判官至鴨川視水勢非人力所及茫然而立忽有僧來謂曰此水非佛神力未易止也宜祭於天地神祇辯才天女并夏禹王庶幾可矣言畢而太判官跡之見僧入竹林



間闕無人影惟見堂中有地藏像判官異之奏於帝  
如僧所教無何水止帝大悅特幸於寺賜以今額京  
中有宗圓者日來禮像忽患眼彌日夢菩薩告曰汝  
平日念我我亦護汝以汝夙業故患此病我當代汝  
勿憂也既寤覺兩眼明朗尋來禮謝見像眼有淚零  
如病目狀圓感愧無已四方聞者皆嘆以爲奇而生  
信向云

像重難舉

奧州藤次太守孝義平公家臣也偶行田野彷彿見  
地藏菩薩像半身出淤泥乃下馬舉之不動因與衆

勦力亦不可出藤次閉目合掌曰諒我業障重故不  
可舉若有因緣必垂感應其夜夢僧曰我在此已久  
此地本大伽藍也而佛像同沒者甚夥汝發心能出  
諸像我亦從汝既覺率衆發之凡得七十二像藤次  
大喜尋建殿宇以安奉之於是平公信人亦奉聖像  
於洛之六波羅蜜寺焉

臨陣拾矢

江州賀野村有古寺設地藏菩薩像益大理寺官平  
師道之遠祖所創也一日師道奉命出戰從者皆喪  
僅餘五六騎矢且盡乃歎曰吾其危矣忽有小僧急



拾矢而授之由是敵者潰散後至寺見像一矢著其背師道驚歎因與寺僧淨蓮陳其狀禮謝而去

百濟靈像

和州宇多郡士人紀文時有篤信因病氣絕至冥司時有僧謂曰汝未可到此當畢生持半偈乃振錫授之曰諸惡莫作眾善奉行文時信之問所居僧曰我在汝山州宇治橋寺窰藏中也後文時詣寺開藏有地藏菩薩畫像高三尺許傳是百濟國獻於聖德太子者故其威靈昭灼有自來矣

贊曰諸惡莫作眾善奉行世出世法盡在是矣其可

以易而忽之乎

手聞香氣

官人賀茂盛孝公稟性仁慈不殺素敬信地藏菩薩一志弗懈年四十三暴卒以有夙業故倒墮火坑其疾如箭叫喚之聲徹耳四方震動譬如天地崩裂心神悅亂至於冥府忽有端正美貌沙門徐步而來如日出高山冥官鬼卒皆稽顙曰地藏菩薩光降盛孝涕泣乞救沙門向琰王曰此人乃我施主其緣已淺宜延其壽算王諾沙門因引盛孝手出門曰汝還陽界勿忘三審遂蘇自是盛孝稱念聖號而手有香氣



終世不絕

誦經感夢

總州太守藤時重益循吏也名甚著一日告府屬曰我欲轉法華一萬部然而國務繁多不能如願今請釋衆讀之以米一石充一部未幾數滿太守大悅冬十月設會慶讚其夜夢一比丘形服端莊執錫來告曰汝所修善根可謂淨業也我甚隨喜守曰師爲誰乎比丘曰我地藏菩薩也語已夢覺守感幸不已乃造夢中所見像瞻禮供養終其身焉贊曰華嚴普賢菩薩有十大願而隨喜功德其一也

人造福善菩薩亦且隨喜況其它乎觀藤時重太守夢感事可以深信矣

發願脫灰

備中州藤大夫文時公有家人犯罪將欲戮之其人懼陰自誓曰若得延命願造地藏菩薩尊像誓畢卽有數僧詣大夫宅請免大夫許已時吏尚未知將欲拉殺忽一小僧來阻之曰主君已赦之不可殺吏遲疑間遂有飛騎來報乃止後大夫問其故其人述所願諸人聞之愕然各彫畫尊像而供事之以見之親而信之篤也



因慢植緣

尾州刺史藤元命貪婪無道，偶夜行遇谿水，以木塔柱爲橋。從者諫之曰：「上有地藏菩薩形像，不可踐。」元命曰：「是甚！地藏如是者，數聲遂大笑而過。」後元命與家人同感疾，暴亡。見百千獄卒追行，至於琰王殿左懸極高玉幢，上有人頭眼見三千世界。右掛審旛，又有大秤稱罪人，輕重復有大鏡，一切衆生所作罪惡悉皆顯現。王左邊判官著赤衣童子著白衣持金札，右邊判官御烏袍童子御青袍持鐵札。論元命業報，右官啟鐵札曰：「此人以佛體爲橋，足踏尊像，白衣童

子開金札奏曰：「雖爾以口稱地藏菩薩，青衣童子曰：此非善，乃憍慢也。言未定，忽有僧來告曰：此人曾稱我名號，宜宥之。」乃向元命曰：「我是汝所用爲橋者，今還人間，當發菩提心。元命既蘇，雖能念佛而爲惡如故，後失職爲賤人，其家人鬚落，每勸人稱聖號，又募緣建閣閣上安十八尊地藏，中安丈六像，竿浚閣朽像被雨露，僧一圓來見像，臟中有小像，乃新造丈六像，安小像於眉際，又建閣於東海道，傍卽如意寺是也。」

贊曰：經載謗佛之人，亦種善根。何則？以聞佛名故。雖



墮<sub>ス</sub>地獄罪畢<sub>ツテ</sub>得出<sub>テ</sub>終成<sub>ニ</sub>佛果<sub>ナリ</sub>今以<sub>テ</sub>藤元命<sub>カ</sub>事觀<sub>テ</sub>之信<sub>ト</sub>夫

臨終造像

藤氏儀同贈太師藤實季女也自少慕真乘年二十餘忽嬰重疾其母欲爲造七佛藥師之像藤氏曰兒病不起幸改作六地藏像母泣而隨之卽屈睿山靜算閣黎鳴磬啟白藤氏合掌向西念佛而化時紫雲垂窗奇香盈室經久益烈以至熏算師袈裟不滅云身有光明

豐後某縣令有女方五齡聞人稱地藏菩薩卽效之

不絕口父母以爲奇因造像與焉女悅每然燈爲供偶病亾過三七日稱地藏菩薩而蘇云有鬼引去怒其行遲輒鞭之不著見其身有光明忽地藏菩薩來謂之曰此我女也非汝所能責乃引之至高巖諭之曰我棲無垢世界汝望何處兒曰願回母所菩薩荷之囑曰倘有恐懼但稱我名兒如教稱數聲自是體有異香雖在暗室常有光明

孝心感報

洛陽藤之任性至孝家貧值父遠忌無可修福思欲賣身方出外遇舊友詳告其事其友憐之助錢五貫



任卽歸家偶有僧持錫分衛卽延入供養奉觀施僧  
咒願訖乃囑之曰此錫并觀當代我送悟真寺言畢  
不見任異之至寺見地藏菩薩像如分衛僧錫卽像  
之所持者而寺稍壞卽以錢充修補諸人聞之各勦  
力不日而功竣夢僧告曰欲報父恩當勤敬老任銘  
佩弗忘一日過府牢見一翁似父者甚愍之值其病  
革因入內瞻視勸念佛翁喜流淚合掌謝之曰我有  
金銀寘物藏在舟岡蓮臺之某墓中汝宜取之言訖  
而終任告獄吏爲營葬厥後之舟岡覓其墓果然任  
大喜先以金謝其友遂成富翁

贊曰此與古董永事頗同皆孝感也爲人子者宜識  
之

### 遺子聖像

河野師佐土州平岡人有子方三歲其母臨終以地  
藏菩薩像遺之子漸長常供以香花勤致禮敬後母  
无信見之不喜瘞聖像於後山一日師佐出外其後  
母令兒飲酒而蒸殺之佐歸後母泣曰兒被麗死佐  
哭因就山後而埋之忽見一物卽前所失聖像也因  
以聖像置其身上大哭兒忽蘇佐大驚喜乃終身供  
養焉



入冥蒙度

周州玉祖惟高嘗爲巫覡歸心佛乘常念地藏菩薩號長德四年四月寢病甫六日俄爾氣絕赴曠野迷不知路時有六沙門梵容嚴好徐步而來或持爐或合掌或持珠或執錫或持花管或拍數珠告之曰我等六地藏也爲救六趣現六種身汝雖巫屬久歸於我我今令汝還鄉當造我像禮拜供養言既如夢而蘇已經三日矣乃構宇造六像以妥之日夕瞻禮不怠自是遠近見聞者靡不生信至年七十餘稱菩薩名西向而化

現身葬夫

北條賴房勢州人常憂貧苦聞僧說前世慳貪今生貧乏若念地藏菩薩則拔苦與樂夫婦信入常誦念不捨俄病歿婦苦無計埋葬頻稱聖號忽有僧來寄宿婦曰夫歿未葬奈何僧慰之曰勿憂也乃爲負棺出葬葬已辭行時值雨婦曰家貧無可布施願待天曉僧曰旅行不可緩卽出婦捉杖強留僧放杖而行忽失所在杖卽錫也婦后禮所供菩薩而手無錫杖兩腳沾泥乃知菩薩出現自此益加信仰云

分飯供像



奧州秋田郡富民王惟秀性吝嗇有使女尊崇三寤  
一日餉田值暴雨避入古院見地藏菩薩香火已絕  
乃以已分飯食供之又見傍有多佛像復分衆人之  
飯爲供秀知其由怒甚繫之於殿柱燒箭鏃灼其面  
面焦毛髮皆落遂棄於道偶縣令出見僧引一美女  
誅之僧曰此是貴家女也以違命故故棄之于此我  
愍其无罪欲托人收養縣令悅攜歸爲室秀怪其所  
以至堂見像面焦乃發露懺悔捨田於寺焉  
贊曰佛世有貧婆見迦葉尊者分衛恨無物以所棄  
潘汁施之後得生天況此女以飯供養宜乎得現前

之報也

賣子寫經

加州宮越津貧士尹直溪信地藏生二男一女值母  
遠忌無由資福因賣二子得錢三十餘緡請數僧寫  
法華缺一人偶有行脚僧寄宿直甚喜請入書經僧  
寫畢辭去直苦留不允但持筆墨而公乃追之見僧  
入松間古堂中往視之無有唯見地藏菩薩手持筆  
墨直瞻仰久之徧與人陳其異於是里人驚嘆重興  
堂宇焉  
贊曰大孝終身慕父母以父母之恩重如大地不能



忘也尹直母死已久以家貧不能造福至於賣子而  
孝之大莫大於此顧世之忘恩者聞尹直事可不愧  
死乎

### 放龜得報

江州甲賀郡有夫妻二人極貧窶以傭織爲生一日  
其夫以布一端將欲賣之因過矢橋見漁翁得大龜  
卽以布易而放之空手而返無何暴死至冥司見罪  
人無數甚可怖忽有比丘從冥官請赦夫喜甚問之  
曰師何名比丘曰我地藏菩薩也化身無數度脫衆  
生向在江州爲龜以度異類偶被漁翁所捕賴汝得

脫故來相度耳時筑前宗像郡有婦人將赴獄夫謂  
比丘曰我老再生無幾願代此婦比丘歎曰汝慈心  
如此宜其救之其後夫過筑前尋婦語之若合符節  
聞者生信

贊曰家既貧以能捨已放生仁者或有之或得生而  
欲代人受苦非佛心必不可得均蒙解脫宜其然矣

### 幼女敬像

能登州國分寺外一富民但信彌陀不知有餘佛家  
有乳母素敬地藏菩薩得一畫像每月十八日二十  
四日密獻香燈禮誦無闕幼女疑之泣淚求見乳母



不得已開窗示之大喜乃同乳母每日致敬至年十二忽病父母悲慟七日未葬忽稱聖號曰苦哉母問何故女曰有鬼捉我至琰王宮甚可恐怖忽一僧來告琰王曰此女生緣未盡可放還王許出中門傍有一媪抱子而泣見女曰將此書并衣寄日向州某僧爲我寫法華造地藏菩薩像又出後門路暗不知所之則見前僧放光來引導出河邊見罪人無數僧教念菩薩號女乃問曰師何名所寓何處僧笑曰我是汝常所供奉者言訖將太女曰妾不知所向願更垂慈乃捉僧衣其行如飛遂蘇其后一家始知菩薩

之威靈也

救拔火難

奧州松島有地藏堂一翁媪甚貧有誠信常入堂禮敬一年夏六月屬亢旱艸木枯黃忽夜半火發燒人屋翁媪不自顧急太護堂無恙翁心安歸家見屋中黑煙蓬煇自力不能救忽有僧來助火滅天將曙忽失僧所在翁怪之次夜夢前僧曰我爲汝救火燒我雙足後至堂禮聖像見兩腳燒三寸許翁媪驚喜信之無惑焉

衆口唱號



洛陽有夫妻二人夫每供地藏菩薩誦其號凡外出其妻疑有私通妒心屢萌以鐵火筋燒像面夫歸見之潸然其妻或出路傍衆童子皆笑指曰此燒地藏菩薩无信心人也行人皆回顧一日有二鬼捉至冥司忽地藏菩薩來請宥琰王曰菩薩慈悲至此乎菩薩曰此女罪固重幸有可取以造此惡故令百千人稱我名號渠雖不信以得聞我名我誓度之王乃允許於是攜其手而出曰汝還人間宜捨憍慢嫉妬勿忘三審也妻既活流涕懺悔焉

贊曰一聞菩薩名號歷于耳根縱其弗信終成善本

得離苦趣況至心專念而不成菩提者未之有也

### 崖崩無恙

勢州飯高郡農人爲實常持地藏菩薩聖號一日與衆奉公命取汞銀於丹生山忽山崩實大駭念聖號不絕時有童僧點紙燭引之而出實正感喜間俄失僧所在於是歸家無恙自是益信菩薩之靈不爽一毫也

### 應化入奧

奧州人多質直易化昔有僧持錫至其地寓一信士宅與人說法男女傾聽無不信入因問曰師何居僧



日吾居鎌倉建長寺及本遺其所持之錫自後信士  
常念言近建長僧所論佛法甚妙必高德之僧非汎  
汎者比忽於宅邊見其遺錫乃攜至建長訊住持陳  
其狀住持曰吾寺僧無有人與者士曰現有物在乃  
以錫杖示之住持駭然曰此吾殿上地藏菩薩杖也  
爾何從而得之曰是乃僧之所遺者也遂開殿視之  
果然而像之形貌與僧無異乃知菩薩示現感歎不  
已

### 修路契聖

洛西桂川有貧人逢親薛辰詣地藏堂誦壽號一日

大雨路潰乃負沙石爲橋又合掌禮往來者有玄氏  
女常來禮像一宵夢僧曰我有一男無所依賴汝垂  
愍女諾之僧有喜色問所居答曰桂川既醒詣堂無  
所見卽回又夢曰但求一衣而已女與之翌旦果無  
衣其貧人亦夢僧授以衣及寤而衣在體自思定有  
人所遺者遂掛樹枝修路玄氏詣此見衣問故貧人  
詳告以夢事女涕泣感歎攜之而還又夢僧來謝之  
乃知是地藏菩薩也玄氏遂削髮爲尼信心弗退矣  
贊曰桂川貧士修路爲橋正合菩薩因地爲比丘時  
常於一切要路津口險隘有不如法妨損車馬處平



填作橋卽持地藏也

魚吞銅像

筑州博多津有女人常念地藏菩薩一日病革囑其兒知景曰我今命在旦夕汝稍長當崇信三寔今遺汝一古鏡若憶我時當念地藏菩薩囑已遂入景既長每對之流涕稱名因以鏡鑄菩薩像僅二寸許貯以錦囊隨身供養一日遊三島泛舟戲以手掬水而失其像爲魚所吞景甚苦乃過藝州嚴島禱之夢一夫人告曰汝孝心如此母已生天得勝妙樂汝所失聖像必得之勿憂也景再拜解纜泊赤間關得一殿

而聖像在其腹景欣然持歸家漸豐乃創寺以奉之呼亦可謂奇矣

造塔懺罪

寬弘間洛陽有女人每月二十四日至六波羅蜜寺預地藏會信心切至捨所蓄淨衣雇佛工造像偶暴卒有青面鬼捉過曠野女驚怖無措幸有小苾芻留之不使去鬼出簡言其罪狀苾芻曰此女卽我母也我當代焉鬼乃許苾芻謂女曰欲懺前愆宜造塔婆乃可免也女曰師何名言是我子苾芻曰我是汝所造菩薩也後女詣雲林寺造塔請僧修滅罪法其神



靈至此可弗信歟

燎面無傷

文治二年鎌倉龜谷有婆甚貧乏禱地藏菩薩求子遂生一女美姿容長而待富家婆一日寢疾將終欲呼女相見富家不許女以孝故潛出候之婆喜越三日稱寤號而終女送葬畢晝夜精勤念佛七日不返富家怒捉女以火燎其面無迹尋見女所供地藏面有焦痕即悔過為建宇事之遐邇聞者靡不起信焉

夢感放免

洛陽有女人常詣六波羅蜜寺禮地藏菩薩偶因事

閉於小室守者夢六波羅蜜寺僧告曰此女無過可釋之守者白於官官曰我亦感夢遂召女詰問女曰妾常至寺禮敬地藏雖被繫常稱念不輟官感歎釋放女曰妾今無所依不知何往官以女貞實無曲納之為侍妾焉

兩眼重明

和州故摩渡邊有盲女因僧教化敬信地藏菩薩每日課寤號一千徧精專弗替但苦無像一日出外路逢羣童作戲知盲女欲求像給之曰能為我唱曲與汝尊像盲女大喜唱之終日一童子以紙裹小木頭



與之旨女信之不疑持歸於家日加禮敬里人見之  
笑曰此非像乃水頭也旨女驚駭欲取太忽雙眸開  
朗里人目擊其事無不起信  
贊曰誠能動物一念既誠則感動菩薩厥應如響其  
在像之是與否邪

### 援兒溺水

遠州天龍河邊有羣童弄沙爲戲因以竹畫地藏菩  
薩於沙上獻花致敬時值驟雨水漲雷電交作羣童  
皆被溺忽有數僧來援之童子歸家陳其狀父母感  
喜欲謝其僧杳無蹤跡始知菩薩之靈應云

### 度脫漁者

弘安年中駿州富士河有漁父常供地藏菩薩香花  
弗怠一夕夢被鬼趁見菩薩來救之鬼曰此殺業人  
當付地獄菩薩曰向後吾當教誡遂寤甫一二月行  
殺如故偶罹疾見獄卒執之甚急菩薩又來救援鬼  
曰既違約不可許菩薩從容曰者遭見許再犯不可  
救也鬼不得已許之菩薩殷勤告誡至一年又犯忽  
被獄卒追行不見菩薩漁父念曰再三違約而今見  
棄乃一心念菩薩則見菩薩如影隨身一鬼曰此大  
惡人種種誑語何故頗救乎一鬼大怒挽弓射之一



鬼以載貫其胸遂仆地而活覺胸次爛壞即發心出家供養菩薩而終其身焉

贊曰眾生輪轉生歿如汲井輪無有休息是故勞此菩薩常在六趣中其有知恩惺悟者何不息惡而遷善乎

### 捨笠覆像

役夫賀能嘗過橫川般若谷值雨避破宇中見一地藏菩薩像爲雨所淋能剛然不忍脫自弊笠覆像頂而太勉羊病歿以生平無善尋墮鐵釜地獄時有一僧以右手提能出鐵釜即見其僧右邊頭面手足皆

焦爛因謂能曰汝識我否我向在橫川般若谷被雨汝以笠覆我此意難忘故不避火聚來濟汝也言已蘇息乃再詣般若谷見像身燒爛如獄中所見

贊曰往昔有樵者嘗於雨中見聖象以笠覆之後感報爲帝王卽梁蕭帝是也不疑吾邦有役夫亦能以之卒感脫鐵釜之厄視彼爲人王一世之樂未若出地獄一時之苦也或曰所捨甚輕而獲報甚重何歟曰物輕而心重也經載十法界唯一心所造詎弗信乎

### 二番脫難



山口七郎住但州山森邑以家貧常爲盜一魁遇一  
婦女著美衣攜一婢七郎卸其衣而殺之後有五六  
士人騎馬而至見二女斃於道七郎輒避去士人見  
之急追七郎遁山中有古宇入地藏像後祝曰菩薩  
救我從今已往終不作惡士人入堂以戟開帳塵坐  
入目有蝙蝠飛颺不見其賊乃禮拜而散七郎驚喜  
持贓物棲山舍自此專稱審號一志不退一夜夢僧  
告曰汝明日有難七郎大駭曰但願救我僧曰但念  
名號可以免也翌日果有官吏來捉破木夾其足七  
郎乃一心稱名覺足不痛吏以其無罪放之七郎悲

喜歸家彌加精進云

尊像避穢

土州中村有地藏菩薩堂宇一日有獵人數輩就於  
宇下烹鹿噉之或者曰汝在此烹豷得不汗瀆尊像  
乎一人曰像若惡之何不避去言訖卽見像飛出如  
鳥落波艸中其長僅六寸許諸獵人乃悔過改業遠  
近聞者輒奔赴瞻禮而發誠信焉

斷殺生信

越州宇治津有漁者夜逢颶風波浪如山漂流不知  
所向一心稱地藏菩薩聖號風止舟至一處見琉璃



爲地金山窰樹信非凡境中有僧以藥飲之覺味如  
甘露頓忘饑渴又有六比丘艤舟舞棹而歌其聲微  
妙其所歌乃普門品弘誓深如海歷劫不思議侍多  
千億佛發大清淨願之偈有頃著岸卽失僧所在惟  
聞異香散漫江上漁人俱見紫雲凝海盤旋成益自  
此斷殺稱聖號以揚其靈云

贊曰畜類與人形固不全而愛生惡死一也魚遭罟  
網之苦不猶已之罹風濤乎奈何弗察而恆相害其  
冤當何如哉苟非菩薩運此漚和以警悟之俛捨此  
業則將來之冤報何嘗已耶吁菩薩之弘慈至此而

人不知歸敬可不哀乎



京師伊藤清左衛門護心奉刺

地藏菩薩感應傳伏願仗此殊勳靈苗增秀時

開智慧之華福海弥深處圓菩提之果

貞享四年丁卯仲春佛涅槃日

岡元春樓謹書

書肆平樂寺櫃版



慌



